



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm XX. Ad nostram.

[urn:nbn:de:hbz:466:1-62587](#)

quod fertur, non extendit, sed tantum intendit sive auget intensiuè non extensiue. Sicuti explicavi. l. 4. tr. 3. c. 9. Coroll. 2. n. 6. ita sumitur ex hoc cap. & tradit *Imol. hic. n. 2. Alexand. de Nauo. n. 32. & alij.*

Exemplum habes hic. Judex juravit, quod vellet sententiam latam intra certum tempus exequi, interpretandum est, si executioni ea mandari debeat, non item si propter interpositam appellationem sententia suspensa manere debeat, vide quae copiosè dixi. l. 4. tr. 3. c. 9. Coroll. 2.

- 4 Not. IV. In omni juramento promissario jus superioris exceptum intelligitur, sive ut aliis verbis dicam: Juramentum promissorum intelligi debet, salvo jure Superioris. ita hic *Innoc. III. & docui cit. c. 9. num. 4. Coroll. 2.*

Exemplum habes hic, si Consules jurent, quod sententiam à se latam exequi velint, subintelligi debet exceptio: nisi ad superiorum appellatum sit, quia jus recipiendi appellationem, quod superiori debetur, ab inferioribus tolli non potest. Addit *Alexand. de Nauo. hic. n. 32.* quod juramentum etiam non valet, quatenus cedit in præiudicium alterius cap. *Cum contingat. 28. juncta gl. magna. not. vls.*

- 5 Porro exinde colligit *Abbas hic. n. 3. Alexand. de Nauo. n. 16.* non obstante, quod subditus in aliena regione existens, iuravit se nonabiturum, donec debitum soluat, abire posse, si à Superiori suo revocetur, quia in tali juramento exceptum censemur ius & auctoritas Superioris, qui ratione domicilii sibi subditum revocare potest.

- 7 Limita 1. Quod interdum ratione scandali vitandi Superior subditum revocare non debeat.

- 8 Limita, 2. Quod interdum Superior licentiam dedisse censemur ita iurandi, quando videlicet Clericum ad Academiam misit studendi causâ, consequenter debita studiorum causâ contracta dissoluendi; consequenter etiam facultatem dedisse censemur tam diu commorandi, donec dissoluta sint, si aliter abeundi licentia non impetretur. Ita *Abbas hic monet. n. 3.* propterea quod con-

cesso principali, censemur etiam concessa accessoria, & concessa fine, censemur etiam concessa media necessaria, quod aliis verbis dici solet: Concesso uno, censemur ea omnia concessa, sine quibus illud expediri non potest. c. *Præterea. s. c. Prudentiam. 21. infra, de officio Delegati.*

Not. V. Quæ post interpositam appellationem attentata sunt, prius restituuntur debent ex mandato Iudicis ad quem appellatum, quamvis de causa & justitia appellationis cognoscatur. Ita *glossa finalis hic. & habetur in cap. Non solùm. 7. de appellationibus in 6. c. Pastoralis. 28. §. Præterea, de officio Delegati.*

CAPITVLVM XX.

Ad nostram.

PARAPHRASIS.

I. & G. Petro usurpas persoluerunt, juramento confirmantes, quod eas nec per se, nec per alium repetere vellent, neque apud Iudicem Ecclesiasticum aut sæcularem super ijs querelam proponere, contra vero Petrus testamentum condidit, in quo hæredes obligauit, ut omnibus à quibus usurpas acceperat, restitutionem earum facerent, cum I. & G. timore præstiti juramenti usurpas repetere non auderent, etiam hæredes restituere intermisserunt; hoc cognito, mandauit Innoc. III. Archiepiscopo Pisano, ut publicè in Ecclesia promulget, aut promulgari faciat, ut qui huius rei notitiam habent, ad ferendum testimonium procedant, & si ex testimoniis, sive aliis documentis constiterit, ita actum esse, sicut dictum fuit, hæredes per Censuram Ecclesiasticam ad usurpas, quas Pater eorum accepit restituendas, compellant.

SUMMARIUM.

1. *Crimen usurpa est fori mixti.*
2. *Usurpari heredi mandare potest, ut usurpas ejus à quibus acceptæ sunt restituat, non obstante juramento de non repetendo.*
3. *Quid*

9. Quid commodi habeatur ex hoc mandato.
4. Iudex ex officio procedere potest ad inquendum & solvendum debita, si agatur de periculo animae, aut peccato vitando.
5. In casu quo Diaconiani crimen, aut rem gestam cognitam habentes obligati sunt illud denuntiare, vel de eo testari, ad hos per editum Episcopi sub censura cogi possunt.
6. Et in hoc casu debitor juratus de non repetendis usuris, huic editio parere tenetur.

Nota I. Usuræ crimen videtur fori mixti, ita ut tūm Ecclesiasticus tūm sacerdotalis Index de eo cognoscere illudque punire possit, sicut & docui l. 4. tr. 4. cap. 2. n. 5. & n. 8.

Nota II. Usurarius mandate potest hæredi suo, vt usuris ijs restituat, à quibus acceptæ sunt, non obstante juramento eorum de non repetendo.

Sed quæres, ad quid utile sit mandatum huiusmodi, cūm & absque eo restitui debant ab hærede. *iuxta cap. Tuz. 9. de usuris.*

Respondeo, pluribus modis. 1. Quod Usurarius, qui restitutionem mandauit, ita ab hærede impleta, aut cautio sufficiens data fuerit, Ecclesiastica sepulturam consequi possit. 2. *de usuris in b.*

2. Quod hæres sub poena priuationis commodi, quod ex hæreditate acciperet, ad executionem mandati compelli possit. *l. ult. C. de fideicommiss. & docui. l. 3. tral. 5. c. 11. num. 2.*

3. Quod Usurarius censetur remittere debitori juramentum præstitum de usuris non repetendis, sicuti contra Innoc. III. probabiliter post Hostiens. hic docet *Alexand. de Nauo. num. 30.* eò quod voluntatem defuncti, presertim in casu isto, de quo agitur, de animæ salute, plenissimè interpretari convenit.

Sed quidquid sit de hoc, ex alio etiam capite debitores, qui iurarunt, se non repetituros, repeterem possent ab hærede,

quia nova causa repetendi supervenit, iuxta Rubric. huius cap. *Imol. num. 3.* Quodjumentum non repetendi usuras cessat obligare, si nova repetendi causa superveniat: Cuius ratio est, quia juramentum, quo aliquis juri suo renuntiat, cūm strictam obligationem contineat, intelligi debet de jure tunc exorto, non de in posterum extorto. *argum. cap. 2.* Vbi id docui in *Not. unic. de renuntiat.* In proposito autem casu, nova repetendi causa oritur ab hærede propter mandatum defuncti, quod ille implere cogitur. Neque his obstat, quod debitores in casu huius capituli, ob timorem ac reverentiam juramenti repetere intermisericordi, quia bonarum mentium est, ibi culpam timere, vbi culpa non est. *cap. 4. disf. 5.*

Notandum III. Iudex nomine instantte, ex officio inquirere, ac procedere potest ad solvenda debita, si agatur de periculo animæ, aut peccato vitando, licet per consequiam id cessum sit in commodum privatum, vt quia Usurarius, aut hæres eius iniustus usurarum detentor à peccato liberari non potest, nisi usuras promissas remittat. *cap. 1. causa 14. q. 6. & tradit Abbas h. c. n. 3. & 4. Imol. n. 9.* Imò in casu huius Capituli Iudex direcione procurare potuit comodum debitorum: licet enim Iudex officium suum impetriri non debeat parti non petenti, exceptum tamen est, nisi ipsa petere imponita sit, tūm æquitas postulat, vt Iudex ex officio suo succurrat, sicut docuit *Bart. in l. 1. num. 7. ff. quod vi, aut clam. Alexand. de Nauo. h. c. num. 20. argum. l. Plane. 38 ff. de petitione hereditatis.* Tametsi verò, absolu- tè loquendo, debitores agere potuissent, tamen ipsi religioni sibi id duxerunt, & ideo quodammodo impediti fuerunt, quare æquitas postulabat, vt Iudex ex officio subveniret, quemadmodum miserabilibus personis pari ratione subveniri solet. Sicut hic Abbas docet *num. 9. Alexand. de Nauo. num. 23. ac Gratian. cap. 1. & 2. disf. 87.*

Notandum IV. Si in casu aliquo Diœcesani, qui crimen, aut rem gestam co-

c c c gni-

gnitam habent, illud denuntiare, aut de eo testari obligati sunt, tum Episcopus edictum generale sub censura promulgare potest, ut denuntient, aut testentur, qui rem cognitam habent, & addit *Abbas num. 2. hic*, quod etiam ad requisitionem Iudicis sacerdotalis, Episcopus, vel similis Ordinarius tale editum promulgare possit, quia duae potestates se mutuo ad justitiae administrationem adiuvare debent.

Addit ex *Hofstiens.* idem *Abb. nuns. vlt.* quod in hoc casu ipsemet quoque debitor, qui jurarat se usuras non repetiturum, comparere posset ad denuntiandum, vel testimonium proferendum, ut Episcopi generali edicto, ac precepto satisfiat, quandoquidem in eo juramento jus & authoritas Superioris exceptum censi debet, ut constat ex Cap. precedenti. Imo irritum censi debet juramentum istud, quod veritatem edicere nolit, Superiori inquirente in ordine ad impediendum peccatum, *argum. c. 80. 11. q. 3.*

CAPITULUM XXI.

Ad nostram.

PARAPHRASES.

Archiepiscopus Neapolitanus quasi collectus juramentum edidit (foiſte Capitulo suo, ait *Gloss. magna*) quod judicarium ordinem in omnibus causis servare velit. Hoc juramentum extendi non debet ad causas notorias, cum enim secundum Canones & Ecclesiasticas traditiones in notoriis, seu manifestis, ordo judicarii non servandus sit, non est credibile, quod Archiepiscopus jurando noluerit se obligare ad agendum contra Canones, alioquin non juramentum, sed perjurium edidisset, quod observandum non esset. Ea propter Innoc. III. juramentum Archiepiscopi benignius interpretatus. Respondeat eum ratione juramenti sui in causis manifestis ordinem judicarii servare non esse obligatum,

Imo vero si penitus rem considerare velimus, cum iurauit se ordinem juris servaturum, at vero ordo juris postulet, ut in manifestis causis judicarii ordinem per omnia observetur, videri posset Archiepiscopus ex juramento potius obligari ad non servandum ordinem juris in dictis causis, sed planius & facilius explicatur, quod jurare voluerit, servare ordinem judicarii in causis omnibus, in quibus de jure observari debet; secundum hunc intellectum Archiepiscopus & juramentum servabit, & a Canoniceis sanctionibus non recederet.

SUMMARIUM.

1. In causa notoria juris ordo non requiriatur, sed nec probationibus opus est, neque Rem citandus, sed in absentem sententia ferri potest, si notorium sit, ei nullam defensionem competere.
2. Nec solennitas sententia necessaria erit, saltem in causis causis, sed solum Iudicis praeceptum & executio, qua in ista sententia est.
3. Juramentum Episcopi contra ea, quae sacris Canonibus sunt statuta, editum, temerarium & irritum est.
4. Juramentum intelligi debet secundum materiam subiectam.
5. Responsio data hoc cap. ab Innocentio utilis est ad interpretandas Capitulationes Episcoporum, quas in electione sui jurant.
6. Iudex partibus etiam invitis, quandoque potest in causis summariorum ordinem judicarii obseruare, non tamen semper debet.
7. In causis levioribus, quae ex natura sua summarie tractanda sunt, nec etiam potest processum ordinarium instituere.
8. In dubio juramentum interpretandum est, ut licet & valide editum sit, non autem ut temerarium, aut irritum sit.
9. Verba generalia interdum restringi debent secundum rationem, & conditiones objecti.

Notandum I. In causa notoria juris ordo non requiritur, sed nec probationibus